

上海圖書館珍藏
顧廷龍主編

清代硃卷集成

(六八)



成文出版社有限公司印行

頁數

(一八九〇) 恩科

高振聲	沈衛	王景禧	宋瞻辰	余望	劉奮熙	陳寶璿	王銘淵	趙惟熙	程秉釗 (原名秉鈺)	洪嘉與	延祺	耿濟瀛	夏之森	陳懋鼎
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.
四〇五	三六七	三一九	三一—	二八七	二六五	二一七	一九五	一六七	一三七	一一一	六九	四九	二三	一

欽命四書詩題



陳懋鼎

曾祖 諱 景亮

祖 名 承裘

父 名 寶璿

祖侍下

嚴侍下

祖訓

庭訓

受業師

夏

字澤鉉號徵字行一同治庚

午年十月十六日吉時生福

建福州府閩縣學附生民籍

聘林氏

誥封奉直大夫諱崇本公孫女邑庠生諱承昌公胞姪孫女翰林院待詔名

景熙公長女同知銜名晁熙公國學生名貞熙公胞姪女咸豐乙卯科舉人卽補同知甘肅張掖縣知縣名

銘新公堂姪女

黃協傳夫子諱炳南邑庠生

梁展臣夫子名屏周光緒丙子舉人

楊石友夫子名治濟同治癸酉舉人

劉壽林夫子名道南光緒己丑舉人

高叔奮夫子名鯉翔邑庠生

黃惕三夫子名師乾光緒壬午舉人

族叔次叔夫子名廷尉光緒壬午舉人

廣東試用知縣

陳灼三夫子名俊灼光緒己丑舉人

魏子愉夫子諱秀孚邑廩生

葉悠恭夫子諱大久光緒壬午舉人

王筱琨夫子

名壽榮歲貢生候選訓導

外祖曾星齋夫子

名光斗

受知師

侯仙舫夫子

陳桂生夫子

陳尺珊夫子

朱偉軒夫子

徐季和夫子

鮑敦甫夫子

卞頌臣夫子

烏紹雲夫子

原月

敬子齋夫子

鄉試中式第一名

會試中式第十五名

殿試第二甲第一百七名

朝考第二等第二名

欽點內閣中書

會試硃卷 光緒庚寅 恩科

中式第十五名貢士陳懋鼎福建福州府閩縣附生民籍

同考試官江西道監察御史加三級褚閱

薦批

大總裁

二品頂戴都察院左副都御史稽察左翼宗學

加三級沈

又取批

識解高超

大總裁吏部左侍郎

加三級許

又取批

筆力遒勁

大總裁

都察院左都御史鑲白旗蒙古都統

加三級貴

又取批

機神翔洽

大總裁

經筵講官太子少保軍機大臣刑部尚書總理各國事務大臣

加三級孫

又中批

顧視清高

本房原薦批

理境昭析機致清靈次理實氣
空三擇縱離合神與古會詩工
鍊

聚奎堂原批

上章補出行字義理圓足筆力
清剛透到詮發無遺次理眞法
密虛實兼到三縱宕開合逸趣
橫生是以古文爲時文者詩工

○○○○子貢曰夫子之文章可得而聞也夫子之言性與天道不可

得而聞也子路有聞未之能行唯恐有聞 陳懋鼎

兩賢各尊所聞皆本於行而已夫已聞而曰不得聞子貢深於行而悟於聞也方行而若未能行子路借所聞以迫所行也非皆本於行哉且吾人之爲學也始於聞而終於行而吾人之驗學也觀其行尤必勘其聞何則行之所至而聞之精粗遂判聞之所在而行之勇怯或殊儻於粗而忽見精焉則行之有得於聞可知也儻至勇而猶若怯焉則聞之無遺於行可知也說在子貢之論聞與子路之課行今夫聖教之無盡也達者積其學以通之名理之在

前也果者鼓其氣以赴之此其事皆竟於行而其端皆起於聞是故囿於聞者其行可知也雖有良師不能闢未經之途以神其悟吾學有精深之境苟非積累有素何以爲啟發機也而子貢何言之親切也是故怠於行者雖聞無益也縱有忠告豈能策已衰之力而使之強吾學有曲折之途苟非一往無前何以爲程功地也而子路可得諸形容也曰文章得聞性道不得聞子貢於聖言已無所不聞矣曰未之能行唯恐有聞子路於所聞已無乎不行矣而說者謂不可得聞者子貢實未之前聞唯恐有聞者子路實有所未行也則又不然蓋至教原無躁等而動靜語默之際時露無

行不與之倪其機未啟性道悉見爲文章其域已臻文章亦見爲性道而何必有聞與未聞之異乎子貢蓋將躬行有得而又傳一貫之旨遂覺當前舊緒一引皆新因歎聖言之大能使淺者見淺深者見深其分量不可誣也則言之有味矣善言不必雷同而身心學問之圖每有殊途同歸之致泛而求之百聞若待於百行約而取之一行實貫乎百聞而何必有前聞後聞之殊乎子路唯懼不逮於行而又負兼人之資第覺學中修途惟日不足常藉新聞將至使之若挽於前若推於後庶功修益自奮也而相引者深矣且夫功候者不可强者也而修能者不可懈者也吾於是分觀二

子而得自修之要焉。賜非以所聞自詡而明悟之境忽開。由若以所聞自難而勇往之神可用。信道篤而課功猛。其業豈易幾乎。顏氏子曰。欲罷不能。賜也庶幾近之。冉氏子曰。吾力不足。由也其知戒之矣。且互觀二子而得入聖之基焉。賜之聞進於由。而其行亦嘗黽勉由之行。銳於賜而所聞漸喻。精微引靡盡。而進無疆。其功非止境也。歛華爲實。賜也不僅負女器之稱。積小爲高。由也豈猶囿升堂之詣哉。

知所以治人則知所以治天下國家矣凡爲天下國家有九

經

陳懋鼎

治人之量甚全、非經亦無以爲治焉、夫由治人而推之天下國家、
知之終爲之始也、爲經有九、不可約舉乎、且人主統千萬人而受
治、非徒有以知之也、亦在有以爲之而已、顧治之理由近以及遠、
推以一已之知而有餘、而治之法自昔以及今、闕乎百王之爲而
莫外、儻不盡乎知之量、而遽語乎爲之規、吾恐治理旣隘於一二
人、卽治法終無由以及諸千萬人、知以三近脩身固爲治人計也、
吾不知凡爲天下國家者、更何有以治天下國家也、試卽知所以

治人而進驗之夫天下國家就人而析言之則人爲造端家之待
治有人國之待治有人天下之待治又有人彼但可以治一人者
不足以治人人人之量未盡卽天下國家之量亦未盡而天下國
家就身而對待之則人爲總匯人在家者家治人在國者國治人
在天下者天下亦治故廣言之而曰天下國家實言之則第曰人
人之治已成卽天下國家之治無不成知所以治人則知所以治
天下國家其治無不治實由於知無不知也且夫天下國家之治
以知始以爲終古帝王必明足以燭萬事之幾而後力足以成萬
物之務彼夫侈談經濟而措之大廷之地施設立見其窮者操之

無其本耳。吾誠得乎生人立命之原則。此中委曲繁重之條。自有前人所已行。後人所可守者。遵而布之。知所以課諸實也。古帝王既智。足以周六合之外。尤必法足以彌庶事之終。彼夫自作聰明。而不求成憲之遵。施行每形窒礙者。措之無其規耳。吾誠盡乎脩己安人之事。則舉凡天地民物之數。當有範圍。而不過曲成。而不遺者。約而指之爲所以莫能外也。所謂九經也。凡爲天下國家者。皆有之也。是知清淨無爲者。不足以言治體。夫天下之本在國。國之本在家。吾之知所以治人者。固有不異之紀矣。而爲之獨散弛。無紀乎九經者。條舉件繫。實能合宮府內外之大。而綜括靡遺。既